



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Hebdomada Pentecostes.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

est accelerationem Incarnationis ; cogitare licet impetrasse etiam Spiritus sancti adventus accelerationem. Efficacissima est ejus oratio apud Filium. Credibile est Apostolos suas cum illius orationibus conjunxisse. Concipe magnam beatissimæ Virginis æstimationem , ex æstimatione amorem, ex amore fiduciam ; preces tuas illi committe, Deo offerendas, & reddendas dignas, ut in conspectu Dei appareant.

DOMINICA PENTECOSTES.

De adventu Spiritus sancti in vento.

1. *C*um complerentur dies Pentecostes, e-
Grant omnes pariter in eodem loco. Act.

2. Tempus non vacat mysterio Dies erat i-
dem, quo olim data fuit lex timoris? cui ho-
die sufficitur lex amoris , quam venit Spiri-
tus sanctus scribere in cordibus fidelium, ut
efficiatur per illam jugum Christi suave &
onus leve. Verè enim amanti nihil difficile.
O si & hodie ad me veniat. & scribat *leg. m*
suam in medio cordis mei: ut non ex necessi-
tate servili , sed ex amore filiali Deo ser-
viam.

2. *F*actus est repente de cælo sonus. *tâquam*
advenientis spiritus vehementis Expende
verba: *Factus est sonus:* quo omnes occupet:
& si quis esset incurius, percelleretur. *quam*
altum

altum ego dominio, qui necdum hoc sono excitator! *Repente*: quia visitatio Spiritus sancti non habet definitam horam, sed ut expectanda est semper, ita semper est expectanda. *De caelo*: unde est omne donum, id est, Filius Dei: & datum perfectum id est, Spiritus sanctus *Tanquam spiritus* id est, venti, cujus diversas proprietates, ut Spiritui sancto convenientes, considerare potes. *Vehementis*: ad notandum impetum, quo corda nostra ad actus virtutum impellit. O quam vehementer mihi spiritu opus est, qui tantum torpeo! Veni Sancte Spiritus, perfla hortum, aut cor meum.

3. *Et replevit totam domum, ubi erant sedentes*. Ibid. Abundantia donorum ostenditur, quibus Ecclesia à Deo repletur; à quo nemo, qui in cœnaculo, seu in Ecclesia est, excluditur. Ora, ut domum animæ tuæ totam impleat. Aperi angulos, & latebras, ut penetrare possit. At non replebit, nisi & tu sedeas per quietem internam, & animi compositionem. Non enim implet animam vagam, ad exteriora effusam.

F E R I A II.

De ejusdem adventu in igne, & lingua.

1. **A** Pparuerunt illis dispersita lingua. Nō dabatur Spiritus Sanctus Apostolis, ut

ut res otiosa; sed ut formarentur Prædicatores legis novæ: ideò linguæ illis figurâ datus est, & ut loquerentur magnalia Dei. Ex lingua tua argue, an habeas Spiritum S. in corde tuo. Ex abundantia cordis os loquitur: sensus quos promissis, præhabet in corde. Si reperis non habere linguam, emenda.

2. *Tanquam ignis.* Aliàs sub aliis figuris apparuit, nubis, columbæ, fluvii, &c. hic sub ignis specie, quo Apostoli & illuminarentur, & alios illuminarent; accenderentur ipsi, & alios accenderent, ac mentes peccatorum purificarent: quæ sunt potissimæ doctores Evangelici prædicatoris. O quàm tibi opus est hoc igne, ut illuminentur tuæ tenebræ ad declinandos consuetos errores: ut accendaris amore tam in Deum, quàm in proximum: Veni S. Spiritus, accende lumen sensibus, infunde amorem cordibus.

3. *Seditque supra singulos eorum.* S. Greg. Nazian. orat. 44. de Pentec. *Sessio hac, ait, regia in Spiritu sancto dignitatis excellentiã significat, quã cordium illorum dominatum accepit. Sedit, non discessurus, quia Apostoli in gratia confirmabantur. O si Spiritus iste regiam in corde tuo dignitatem obtineret! O si te tam varium, & mutabilem confirmaret! Dominabitur, si velis; si carnis dominatum non admittas, si pareas*
ejus

ejus inspirationibus. Confirmabit, si velis firmiter, & constanter. Totum ergo hoc à tua pendet voluntate,

F E R I A III.

De fine, quo missus est Spiritus sanctus,

1. **E**go rogabo Patrem, & alium Paracletum dabit vobis, Spiritum veritatis, quem mundus non potest accipere. Joan. 14. Finis est, ut sit Paracletus, seu consolator. Consolatur autem quia Spiritus veritatis est, discernens falsa à veris. Quæ nos affligunt, plerumque falsa sunt imaginationis figmenta. Detegat tibi veritatem: consolatio erit in promptu: quia videbis inanes umbras fuisse.

2. *Cum autem venerit ille Spiritus veritatis, docebit vos omnem veritatem.* Joan. 16. Secundus finis est, ut conferat Apostolis intelligentiam eorum, quæ Christus sive aperte, sive occulte docuit, toti Ecclesie tradenda. En quanta cura, & providentia Dei, ut errores ex suorum mentibus eximantur. Intellectus est, qui ducit, aut seducit voluntatem, quantum interest, ut hic fallacias detegat, & altis veritatis principiis imbuatur, ne principiis carnis, aut mundi
volun-

voluntatem seducat! Quæ sunt autem principia tua? quàm conformia veritati?

3. *Cum venerit ille, arguet mundum de peccato, de iustitia. & de iudicio.* Ibid. Tertius finis est, ut per Apostolos arguat mundum, ut corrigatur. Cur arguendi munus tribuitur Spiritui sancto, qui est Spiritus amoris? Aut omnis increpatio fiat in spiritu amoris, ac lenitatis. Nota autem tria, de quibus arguet, De peccato incredulitatis: de iustitia, quod mundus se justum putet: de iudicio, quod Principem hujus mundi Diabolum faciat. Vide quæ tua sit fides? quàm firmetur operibus! ane falsâ æstimatione sis justus? an audias suggestiones Dæmonis?

F E R I A IV.

Quid Spiritus Sanctus in Apostolis operatus sit.

1. *Vos autem baptizabimini Spiritu sancto.* Act. 1. Collationem Spiritus Sancti Baptismum vocat, significans per illum datos esse Apostolis principales effectus baptismi, purgationem a peccatis, remissionem pœnæ, gratiam, perfectam charitatem, & unionem cum Deo, & omnes habitus virtutum supernaturalium. O felix Apostolorum fors! infelix tua! Quantum tibi honorum

rum deest: Veni S. Spiritus! imple superna gratia, quæ tu creasti pectora.

2. *Charitas Dei diffusa est in cordibus nostris per Spiritum sanctum.* Rom. 5. Charitas ista zelus est, quem conceperunt Apostoli ad totius mundi conversionem pro gloria Dei, sine metu periculorum, tormentorum, & mortis, qui antea ad vocem ancillæ exhorruerant, aut metu mortis fugerant. Estne zelus iste gloriæ Dei in te? quæris salvandas animas? quæris tuam? sed quas pro illa difficultates superas? quas umbras non times?

3. *Cœperunt loqui variis linguis.* Act. 2. Ut prædicare omnibus gentibus possent Evangelium, collatum est illis per Spiritum S. donum omnium linguarum. Gratias itaque dedit congruas ad finem vocationis eorum. Ita Deus cum omnibus agit. Quos vocat, vocationi aptat. Nec tibi deerit, dummodo utaris mediis, quæ tibi suggerit. In hoc plerumque defectus est noster. Quantus evades, si utaris.

F E R I A V.

Quid Apostoli per Spiritum Sanctum egerint.

1 **C**œperunt loqui variis linguis, prout Spiritus sanctus dabat eloqui illis. Act. 2.

Actor. 2. Accepto Spiritu S profiliunt Apo-
stoli; prædicant magnalia Crucifixi Jesu: an-
tea idiotæ, nunc sapientiâ pleni, antea timi-
di, & pusillanimes, nunc tormentorum, &
mortis contemptores. Quem movet Spiri-
tus; nihil timet, cùm moventi obsequitur,
noli tardare, cùm motum senseris: noli me-
tuere. Ille finem dabit optatum, qui jussit.

2. *Stupebant autem omnes, & miraban-
tur. Alij autem irridentes dicebant: quia
musto pleni sunt* Ib. Res sanè digna fuit ad-
miratione, illa sapientia, linguarum notitia,
facundia in explicandis mysteriis, zelus, &
fortitudo. Sed à malis linguis nihil intactū.
Irridentur ut *musto pleni* Cùm optimè fece-
ris, etiam de te pessimè loquentur alii. Sed
ut per hoc non desistebant Apostoli ince-
ptum prosequi, tu pariter non desiste. Pro-
pter sermones hominum non cepisti; pro-
pter eosdem non desine.

3. *Stans autem Petrus elevavit vocem
suam, &c.* Ib. Occasionem ex imputata e-
brietate nactus Petrus, negat ebrios esse vi-
no; affirmat plenos esse Spiritu sancto. Ex-
probat Judæis, quòd Christum crucifixerint.
Quibus illi *auarus, compuncti sunt corde.*
Disce primò apprehendere omnem occasio-
nem boni. O quot tibi elapsæ sunt! 2. Ine-
briari Spiritu S. qui inducit rerum terrena-
rum oblivionem. 3. Sermones tuos eò diri-
gere,

gere, ut compungantur corde, qui te audiunt. Ad hoc autem zelo, & solida, non ficta, & apparente virtute opus est.

F E R I A VI.

Fructus Spiritus S. inprimis Christianis.

1. **E**rant perseverantes in doctrina Apostolorum, & communicatione fractionis panis & orationibus. Actor. 2. Ter mille baptizati fuerunt. Hi statim insequuntur doctrinam Apostolorum, sensu arduam, & contrariam. 2. Eucharistiam frequentant, qua dispositione? qua fame? quo fructu? Orant, qua fide? qua humilitate? qua constantia? Confer te cum illis. Vide quo deficias. His stude, quia sunt primum vitæ spiritualis nutrimentum.

2. Erant pariter, & habebant omnia communia. Ibid. Non erat meum, ac tuum, frigidum illud verbum. Qui Spiritum Dei concipit, facile ab amore terrenorum avellitur. Evacua te ad perfectam paupertatem. Quominus habueris rerum, plus Spiritus habebis. Non intrat Spiritus cor, quod aliarum rerum amore plenum est.

3. Multitudinis credentium erat cor unum, & anima una. Actor. 4. In tanta diversitate

na-

nationum, conditionum, talentorum, summa concordia, nulla alterius de altero querela, de nullo sinistra existimatio, minus sermo sinister. O felix societas, in qua multi vivunt unâ animâ, & consensu. *Quam bonum & quàm iucundum est habitare fratres in unum* Psal. 132. Vis Spiritum Dei, & tuæ vocationis Cura unionem, hâc læsâ semper lædis pupillam oculi.

SABBATHO.

De iis, qui non accipiunt Spiritum Sanctum.

1. **N**on permanebit Spiritus meus in homine in æternum, quia caro est. Gen. 6. Qui addictus est sensualitati, & delectationibus, non speret in se Spiritum Sanctum. Quia caro concupiscit adversus spiritum, & spiritus adversus carnem. Vide ergò & hinc necessitatem sensus tuos, & concupiscentias occidendi.

2. Spiritus Sanctus disciplina effugiet fictum. Sap. 1. *Fictum* intellige simulationem, qui vult videri bonus, non studet esse. Qui suis sensuum delectamentis apud Superiores prætexit bonum aliquem finem; qui malis suis intentionibus colorem sanctitatis appingit. Hunc effugiet Spiritus Sanctus: quia est Spiritus veritatis, quæ aliû colorem non admittit. Tolle ergò fictionem, & omnem
 Q - huma-

humanum respectum, pestem animæ: age candidè, simpliciter, & sincerè.

3. *Spiritus veritatis, quem mundus non potest accipere* Quia mundus falsis principiis nititur divitias, honores, oblectamenta sensuum esse quærenda; fugiendam paupertatem, contemptum, & Crucem. Veritas autem prorsus habet contraria principia: non potest ergò mundus Spiritum veritatis accipere. Examina utris tu principiis innitaris. Agnosce illorum falsitatem; istorum firmitatem, & te exemplo Christi ad ista cõverte.

DOMIN. SS. TRINITATIS,

De mysterio SS. Trinitatis.

I. **D**ominus Deus noster. Dominus unus, est. Deus est una quædam simplicissima entitas, in omni genere perfectionis infinita; primum rerum omnium principium, & finis ultimus; unicum summum bonum: Idèò unicus Deus; extra quem non est alius. Non capio te, sed credo te, adoro, laudo, glorifico, timeo, amo, & tibi soli servio; tu centrum omnium meorum affectuum. Ah serò te agnovi, serò te amavi pulchritudo mea! qui multiplicavi mihi deos, quoties me, vel creaturam aliquam plus quàm te colui, & amavi, aut illi impensius servivi. Ex hoc tu unus eris mihi in Deum, cui omnia ossa mea dicent gloriam.